

November 2019

## BOEDAPEST, WENE, SALZBURG en PASSIESPEL

24 Augustus – 5 September 2020

### NADERE BESONDERHEDE

**TOERPRYS: R52 450 plus** \*Lughawebelasting en \*Footjies van ongeveer **R6 770** asook koste van reisversekering en visum. (Sien **UITGESLUIT BY TOERPRYS**).

#### INGESLUIT BY DIE TOERPRYS:

- Vliegkaartjie met KLM / Air France: Johannesburg – Amsterdam – Boedapest  
München – Parys – Johannesburg
- Verblyf in goeie hotelle met twee etes per dag. Stadstoere van Boedapest en Wene en staptoer in Salzburg
- Ete op Donau in Boedapest en in Donautoring in Wene
- Besoek aan Szentendre
- Besoek Weense woude
- Musiekkonsert in Wene
- Vervoer per luukse bus vanaf Boedapest na Oberammergau
- Besoek aan Steyr oppad van Wene na Salzburg
- Voldag uitstap in die Salzkammergut
- Besoek aan Berchtesgaden – Hitler se Arendsnes (indien die weer gunstig is)
- Alle ekskursies en toegangsgelde soos op toerprogram
- Ervare toerleiers vergesel die groep

#### UITGESLUIT BY DIE TOERPRYS

- \*Lughawebelasting/brandstofheffing Air France: ± R5 600
- \*Footjies vir gidse, busbestuurders en boot-/hotelpersoneel: R1 170
- Reisversekering, waarvoor u later volledige besonderhede sal kry
- Visumkoste: Schengenvisum ± R1 400
- Enkelkamer-bybetaling in hotelle (Boedapest, Salzburg en Praag) R6 200
- Binnelandse aansluitingsvlugte na die O.R. Tambo-lughawe in Johannesburg
- Persoonlike uitgawes op die toer: bv. u eie eet- en drinkgoed, telefoonoproep, ens.

#### ENKELVERBLYF

Toerlede kan enkelverblyf by die hotelle kry, mits hulle bereid is om 'n bedrag by te betaal – sien vorige punt.

**Belangrik:** Daar is op die meeste toere nie enkelkamers in Oberammergau se verblyf-pakkette beskikbaar nie.

**BELANGRIK:** Indien u as enkeling reis, moet u bereid wees om in Oberammergau (twee nagte) met een van die ander enkelopende toerlede 'n hotel-/gastehuiskamer te deel. Ons sal uit die enkelopende toerlede die mees geskikte plasings vir akkommodasie in Oberammergau probeer maak.

#### INSKRYWING

'n Inskrywing is geldig wanneer ons u deposito **tesame** met die Inskrywings- en Vrywaringsvorm ontvang het. Die Inskrywingsvorm moet volledig voltooi word met u **volle name soos dit op u paspoort verskyn!**

**Almal wat ingeskryf het voordat hulle die Nadere Besonderhede ontvang het, se inskrywing(s) is geldig.** U hoef nie weer die aangehegte Inskrywingsvorm terug te stuur nie. U kan net die Vrywaringsvorm en betalingsbewys van uitstaande deposito's terugstuur, indien van toepassing. (Sien DEPOSITO.)

#### BEREKENING VAN TOERPRYS

'n Toerprys bestaan hoofsaaklik uit die koste van die vliegkaartjie plus die landreëlings en kan aangepas word indien omstandighede buite ons beheer dit noodsaak. Die prys van die lughawebelasting is aan die wisselkoers en brandstofprys gekoppel en word bepaal op die dag van uitreiking.

U ontvang binnekort Omsendbrief 1 met onder andere besonderhede in verband met klere wat u moet saamneem en dies meer. Daarna ontvang u nóg omsendbriewe met nuus en inligting. **Laat weet ons asseblief indien enige van u kontakliging soos adres-, e-posadres of telefoonnommer(s) verander.**

## DEPOSITO

Daar is verskillende deposito's ter sprake: Passiespeldeposito's en 'n Toerdeposito.

### Passiespeldeposito's:

Die datums vir die betaling van die Passiespeldeposito's was en is soos volg:

Inskrywings tot Oktober 2019: R4 000 (R1 500 + R2 500) per persoon

Verdere deposito November 2019: R5 000 per persoon

Totale Passiespeldeposito teen/vanaf Nov 2019: **R9 000** per persoon

### Toerdeposito's:

Toerdeposito beloop **R8 000 per persoon**. U kan dit nou betaal indien u dit nog nie gedoen het nie.

## FINALE BETALING

Die volle toerprys plus alle ander geld (fooitjies, versekering ens.) vir die toer moet vóór **24 April 2020** betaal word.

## WYSE VAN BETALING

- **Bankdeposito/EFT** word deur inbetalings/elektroniese oorplasinge aan CvW-Toere gemaak.
- **Kredietkaartbetalings:** Dit is moontlik om betalings met 'n kredietkaart via CvW-Toere se webblad ([www.travelentoer.co.za](http://www.travelentoer.co.za)) te maak. **BELANGRIK:** 'n Bankdiensfooi van **4% van die bedrag** geld vir kredietkaartbetalings via die webblad. **Hierdie bedrag moet deur inbetalers bereken en ekstra betaal word. Aangesien dit die toerprys onnodig duurder maak, beveel ons dit nie aan nie.**
- **Kontantinbetalings:** Alle geld wat in banknote inbetaal word, moet die ekstra kontantinbetalingskoste insluit. Vra asseblief u bank hoeveel dit beloop (ongeveer **1% van die inbetalingsbedrag** kan hiervoor begroot word).

### Bankbesonderhede:

**Christine van Wyk-Toere**

**Standard Bank Tjekrekening** (Lopende rekening / *Current account*)

Takkode: **051001**

Tjekrekeningnommer: **410 722 782**

**NB: Gebruik u voorletters en van as verwysing met betalings** en nie die toer se naam of u noemnaam nie.

## KANSELLASIE

Indien u genoodsaak is om u toer te kanselleer, geld die volgende voorwaardes en terugbetalings:

- **Terugbetaling van Passiespeldeposito's**

Passiespeldeposito's word deur CvW-Toere aan die Passiespelkantoor in Oberammergau volgens hul sperdatums oorbetaal. Omdat CvW-Toere die volle Passiespelpakkette aan Oberammergau oorbetaal, loop ons die risiko om die geld te verloor indien u u bespreekte plek op 'n toer kanselleer en dié plek nie deur iemand anders geneem word nie. Ons kan dus ongelukkig nie die volle Passiespeldeposito's terugbetaal indien u 'n toer kanselleer nie. **Indien u genoodsaak is om te kanselleer, is u Passiespeldeposito's soos volg terugbetaalbaar:**

**Tot 180 dae voor vertrek: 75% van totale deposito betaal**

**180 tot 120 dae voor vertrek: 60% van totale deposito betaal**

Hierna word deposito's nie terugbetaal nie.

**LW: Passiespeldeposito's, indien van toepassing, sal eers na afloop van die toer terugbetaal word.**

- **Terugbetaling van Toerdeposito**

Wat die deposito van R8 000 per persoon vir die toer betref: vir kansellasie tot **5 maande** voor vertrek van die toer, d.w.s. tot **24 Maart 2020**, betaal ons **R7 500** van u deposito terug. Toerlede wat daarná tot **24 April 2020** kanselleer, kry **R5 000** terug. Daarna word deposito's nie terugbetaal nie.

Indien 'n toerlid **vanweë siekte** genoodsaak is om te kanselleer voor die finale toerprys betaal is, word die deposito minus **R500** administratiewe koste by voorlegging van 'n doktersertifikaat terugbetaal sodra ons u bankbesonderhede ontvang. In geval van kansellasie as gevolg van siekte ná **24 April 2020**, geld dieselfde reël totdat u reisversekering uitgeneem is. Daarna sal **geen** deposito terugbetaal word nie.

**Toerdeposito's van toerlede wat kanselleer, word terugbetaal sodra CvW-Toere u volledige bankbesonderhede skriftelik ontvang het.**

Sodra die nodige reisversekeringspolis wat vir kansellasiedekking voorsiening maak, uitgeneem is, kan u – indien u moet kanselleer – u geld vanaf die versekeringsmaatskappy terugeis, mits die rede vir kansellasië kragtens die polis aanvaarbaar is. Volledige besonderhede oor reisversekering word gestuur aan almal wat vir die toer inskryf.

Toerlede het die keuse om hul versekering deur ons kantoor uit te neem of dit privaat te doen en dan afskrifte van die dokumente as bewys aan ons te verskaf.

### **Vliegkaartjies en eie vlugte**

Alle vliegkaartjies word deur **FERNWEH TRAVEL** uitgereik. Die toerprys sluit vliegkaartjies in, maar nie lughawebelasting en binnelandse aansluitingsvlugte na en van Johannesburg nie.

Indien u nie van die groepvlug gebruik maak nie, kan u die prys van die groepvliegkaartjie van die toerprys aftrek. Die bedrag is **R 7 240**.

### **Wegbrekers**

Dit is moontlik om voor of na afloop van die toer op u eie te reis (met ander woorde van die bestaande toerprogram weg te breek). U kan steeds van die groepvlug gebruik maak, maar u moet u vlugte met Benita van Fernweh Travel bevestig. Die lugdiens hef 'n **wegbrekersfooï** van ongeveer **R500** indien u u groepvlug wil aanpas.

Kontak **Benita Venter** by **Fernweh Travel (verkieslik per e-pos)** vir meer inligting en reëlings in verband met wegbreekvlugte.

**Benita se kontakbesonderhede:**

**E-pos:** [benita.venter1@gmail.com](mailto:benita.venter1@gmail.com)

**Tel:** 072 935 3679

### **PASPOORTE (DRINGEND!)**

**Maak asseblief seker dat u paspoort vir minstens 3 maande ná u terugkeerdatum uit Europa geldig is.** Daar moet ook genoeg skoon bladsye, vir veiligheid minstens drie, in u paspoort wees. Dit is vir visums en doeanestempels.

**LW:** Binnelandse Sake neem ongeveer 3 weke om 'n nuwe paspoort uit te reik. Indien u paspoort nie reg is nie, kan dit veroorsaak dat u nie betyds u visum bekom nie.

### **Minderjariges wat saam met u reis (Indien van toepassing):**

Wetgewing is in die proses om te verander, maar konsulate vereis tans nog dat 'n oorspronklike *unabridged*-geboortesertifikaat ingedien word vir minderjariges wat saam met u reis. 'n *Unabridged birth certificate* verskil van die standaardgeboortesertifikate wat voor 14 Maart 2013 deur Suid-Afrika se Departement van Binnelandse Sake uitgereik is. Dit bevat onder andere die kind, asook albei ouers se volle name en identiteitsnommers op één, amptelike dokument.

Kontak ons indien u beplan om minderjariges saam met u op reis te neem.

### **Gesondheid en toerfiksheid**

Dit is vanselfsprekend dat iemand wat oorsee wil reis, se fisieke en emosionele gesondheid van só 'n aard sal wees dat hy/sy redelik onafhanklik oor die weg kan kom.

Hierdie toer is nie baie veeleisend nie, maar stadstoere is meestal te voet. Toerlede wat nie onafhanklik oor die weg kan kom nie, moet 'n toermaat/familielid saamneem wat hulle kan help en na hulle kan omsien sodat hulle nie heertyd van mede-toerlede afhanklik sal wees of die groep se belange op enige manier benadeel nie.

Basiese riglyne vir toerfiksheid is dat 'n mens onafhanklik in-en-uit 'n toerbus of boot moet kan klim, onafhanklik 'n stel van 15 trappe, insluitend roltrappe, kan klim en ongeveer 1 km op jou eie moet kan stap.

'n Mens moet deurentyd jou eie handbagasie kan hanteer en bereid wees om jou groot (inweeg)tas by jou hotelkamer te besorg indien daar nie bagasiediens beskikbaar is nie.

U moet bereid wees om op eie koste 'n huurmotor te gebruik indien 'n besoekpunt tydens die toer vir u te ver is om te stap.

Indien u nie aan bostaande riglyne voldoen nie, **MOET** u iemand saamneem wat na u kan omsien.